



Isalathiso: 20201013-8753  
Inombolo yefayili: 13/16/1/2  
Imibuzo: ABaququzeleli boVavanyo beSithili

INgcaciso eMfutshane yeCandelo loLawulo lweKharityhulam noVavanyo: 0005/2020

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zokuNika iNkxaso kwiKharityhulam, kwiiNtloko zoLawulo nokuPhathwa kwamaZiko, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo nakwiiNqununu zezikolo zemfundo eneemfundo ezizodwa zikarhulumente nezabucala

**Isihloko: Inkqubo yovavanyo ka-2020 efakelwe izilungiso yeBakala 9 kwizifundo ii-technical occupational subjects**

1. Okuqulethwe yile ngcaciso imfutshane kusekelwe kwiSetyhula 04 ka-2020, yowe-29 Septemba 2020, efunyenwe isuka kwiSebe leMfundo esiSiseko likazwelonke (iSebe iDBE).
2. ISetyhula yeSebe leMfundo leNtshona Koloni 0018 ka-2020, yowe-03 Agasti 2020, iquke ingcaciso emalunga neenkqubo zovavanyo ezihlaziyiweyo zecandelo leMfundo noQeqesho Jikelele (*General Education and Training band*).
3. KwiziCwangciso zokuFundisa zaqho ngoNyaka (*Annual Teaching Plans*) (ATPs) ezihlaziyiweyo zezifundo zomsebenzi zobugcisa (*technical occupational subjects*), ugxininiso lubekwa ekufundiseni ikhontenti esisiseko nezakhono ezilungiselela abafundi ilizwe lomsebenzi. Inani lemisebenzi yovavanyo lweziphumo zokufunda (*summative assessment tasks*) iye yancitshiswa kwakhona.
4. Kufuneka kusetyenziswe ezi **mpawu zovavanyo** zilandelayo:
  - 4.1 Mnye kuphela umsebenzi wovavanyo lweziphumo zokufunda ovelayo kwiiKota 3 no-4 kuzo zonke izifundo.
  - 4.2 **Ilwimi:** Kuya kunikwa ingqwalaselo eyiyo kuvavanyo lwamacandelo olwimi ahlukeneyo achaziweyo kwii-ATP ezihlaziyiweyo. Nakuba kunjalo, ezinye zezakhono kufuneka

zivavanyelwe iinjongo zovavanyo lokufunda (*formative purposes*) okanye njengamacandelwana ovavanyo lweziphumo zokufunda olunye.

- 4.3 **IMathematika:** Umsebenzi wovavanyo mawusekelwe kwizakhono zokubala okusisiseko, ezokunika intsingiselo nezokucaculula (*computational, interpretation and analytical skills*) ukusuka kwiinkalo zekhontenti nganye ezikhankanywe kwii-ATP ezihlaziyiweyo.
- 4.4 **IZakhono zoBomi:** Umsebenzi wovavanyo kufuneka usekelwe kwisethi yezifundo zophando zokuqhubeka kubomi bokwenyani ngekota nganye.
- 4.5 **ImiSebenzi yoVavanyo yePrakthikhali (PATs)/yezakhono:** Kwizifundo apho iPAT ifunekayo, abafundi kufuneka babonakalise ubuchule obusisiseko nolwazi kusetyenziso lwezixhobo, inkqubo yokuyilwa nokwenziwa kwezinto (*manufacturing process*) nokhuseleko olunxulumene nesifundo.
- 4.6 **Izifundo onokuzikhetha (electives):** Ikhontenti ebaluleke gqitha eza kufundiswa ibonisiwe kwii-ATP ezihlaziyiweyo nakumsebenzi wovavanyo lweziphumo zokufunda omnye ngekota kufuneka isekelwe kumsebenzi ofundisiweyo kwizifundo ezahlukeneyo.
5. Kuzo zonke izifundo, uvavanyo oluqhubekela esikolweni kwiKota 4 kufuneka luquke umsebenzi weeKota 3 neye-4.
6. Ukubalwa kwamanqaku okupasa okugqibela aya kusekelwa kuVavanyo oluqhubekela eSikolweni olungu-80% ukususela kwiiKota 1 no-3 kunye novavanyo oluqhubekela esikolweni olungu-20% oluqhutywe kwiKota 4.
7. ISetyhula S1 ka-2018, yowe-19 Apreli 2018, nesicwangciso sokwenziwa komsebenzi esiqingqa iBanga leMfundo loBugcisa i-*Technical Occupational Qualification* elisalingwayo, ibhekiselele kubafundi abakwiBakala 9 njengangoku. Iinkcukacha ezingaphezulu ngokumalunga nokukhutshwa kwamakhadi eeripoti abafundi kwiBakala 9 ziya kuchazwa nje ukuba kufunyanwe ingcaciso esuka kwiSebe iDBE.
8. Kucelwa iinqununu zezikolo ezichaphazelekileyo ukuba zabelane ngokuqulethwe yile ingcaciso imfutshane nootitshala abachaphazelekayo ukuze bakuthathele ingqalelo.

**ISAYINWE:** NGU-H MAHOMED

**USEKELA MLAWULI-JIKELELE OBAMBELEYO WOLAWULO LWEKHARITYHULAM NOVAVANYO**

**UMHLA:** 2020-10-14